

Comisiwn y Cynulliad

Lleoliad: **Swyddfa'r Llywydd, 4ydd llawr – Tŷ Hywel**

Dyddiad: **Dydd Llun, 9 Chwefror 2015**

Amser: **13.00**

Cynulliad
Cenedlaethol
Cymru

National
Assembly for
Wales



Cofnodion: AC(4)2015(3)

**Aelodau'r
Comisiwn:**

Y Fonesig Rosemary Butler AC (Cadeirydd)
Peter Black AC
Angela Burns AC
Sandy Mewies AC
Rhodri Glyn Thomas AC

**Swyddogion yn
bresennol:**

Claire Clancy, Prif Weithredwr a Chlerc
Adrian Crompton, Cyfarwyddwr Busnes y Cynulliad
**Craig Stephenson, Cyfarwyddwr Dros Dro Gwasanaethau'r
Comisiwn**
Dave Tosh, Cyfarwyddwr Adnoddau
Non Gwilym, Pennaeth Cyfathrebu
Kevin Tumelty, Pennaeth Diogelwch, Pennaeth Diogelwch

Eraill yn bresennol:

Jon Stratford, Assistant Chief Constable, Heddlu De Cymru
Josh Jones, Chief Superintendent, Heddlu De Cymru
Simon Rees, Wales Counter Terrorism Unit
Yr Arolygydd Ian Mackenzie, Heddlu De Cymru

1 Cyflwyniad

1.1 Cyflwyniad ac ymddiheuriadau

Roedd y Dirprwy Lywydd wedi ymddiheuro.

1.2 Datgan buddiannau

Nid oedd buddiannau i'w datgan.

1.3 Cofnodion y cyfarfod blaenorol

Cytunwyd bod cofnodion y cyfarfod a gynhaliwyd ar 29 Ionawr yn gywir.

2 Y wybodaeth ddiweddaraf am ddiogelwch

Rhoddodd Simon Rees gyflwyniad ar ddiogelwch i'r Comisiwn ac roedd tua 300 o staff y Cynulliad wedi'i weld yr wythnos gynt. Paratowyd canllawiau ychwanegol i gyd-fynd â'r fideo a'r cyflwyniad. Roedd y Comisiynwyr yn awyddus i sicrhau bod pawb a oedd yn gweithio yn ein hadeiladau'n cael gwybodaeth ddigonol am y mater. Cadarnhawyd bod cynlluniau'n cael eu paratoi i'r Aelodau, grwpiau plaid a staff cymorth weld y fideo a'r canllawiau cyn gynted â phosibl dros yr wythnosau nesaf.

Yn dilyn y cyfarfod ar 29 Ionawr, cafwyd rhagor o wybodaeth gan Heddlu De Cymru am sicrhau diogelwch yr ystâd. Trafododd y Comisiwn y rhain. Cytunodd y Comisiynwyr y dylid bwrw ymlaen â'r gwaith o gryfhau diogelwch ar unwaith a chytunwyd ar gynllun cyfathrebu â'r heddlu.

Gofynnodd y Comisiynwyr am bapur llawnach ar faterion diogelwch, gan gynnwys archwilio cefndir unigolion, a chaiff hwn ei gyflwyno yng nghyfarfod y Comisiwn ym mis Ebrill.

3 Ymgysylltu â phobl Cymru

Ystyriodd y Comisiwn bapur yn rhoi'r wybodaeth ddiweddaraf am weithgareddau ymgysylltu â cyhoedd. Roedd y Comisiynwyr yn cydnabod bod cryn dipyn o waith yn mynd rhagddo ym mhob rhan o'r Comisiwn, er y byddai'n anodd sicrhau bod y rhaglen weithgareddau uchelgeisiol yn cael ei chwblhau cyn diwedd y Pedwerydd Cynulliad. Roedd y Comisiynwyr yn falch o glywed am enghreifftiau o weithgareddau arloesol, fel y gwaith o hyrwyddo ein pwyllgorau, sy'n destun cenfigen ymhlith cyrff seneddol eraill. Cytunwyd y dylai unrhyw wybodaeth yn y cyswllt hwn yn y dyfodol gynnwys dadansoddiad manwl sy'n ategu'r safbwynt hwn.

Gan nodi bod y cyfryngau hyperleol a chymdeithasol yn ddatblygiadau pwysig a'u bod yn rhan o becyn gyfathrebu ehangach i geisio cyrraedd cynulleidfaoedd newydd a thraddodiadol, cytunodd y Comisiynwyr y dylai eu hadroddiad blynyddol ddangos pa mor bellgyrhaeddol ac effeithiol oedd y rhain a gweithgareddau ymgysylltu eraill.

Cytunodd y Comisiwn fod y cyfeiriad a'r blaenoriaethau strategol a nodwyd ar gyfer y gwaith ymgysylltu yn briodol ac roeddent yn fodlon â'r manylion a gafwyd yn y papur am y gweithgareddau y bwriadwyd eu cyflwyno cyn diwedd y Pedwerydd Cynulliad.

4 Unrhyw fater arall

Dim.

Cynhelir cyfarfod nesaf y Coimisiwn ddydd Iau, 5 Mawrth 2015, pan fydd y Comisiynwyr yn canolbwyntio ar y paratodau ar gyfer y Pumed Cynulliad.